



181.250.00
36



安遠縣志

五

安遠縣志



重脩安遠縣志序



知縣之制古或稱尹稱令若長有明
宰為知縣其自署則曰知某縣事夫
縣之事不一山川土田人民之數禮
樂兵農之類庠序學校飲射讀法之
方俱在乎其中官是土者遠或數千

里近亦不下六七百里一旦驅車戾
止地異情疎不有圖籍考其沿革究
其利弊其何以因時制宜興養立教
報其最於朝廷哉此縣之志所以不
得已也安邑之有志創自前明知縣
文紹甘公至我

朝文教昌明車書一統踵而脩之者康
熙間則有于公作霖乾隆間則有董
公正蓋至是經七脩矣董書具在予
於嘉慶己卯承之斯邑下車之初披
閱其書但見分門別類綱舉目張不
下堂階而一邑之風土人情已粗知
其崕岬因竊幸得所藉手不致貽操
刀之誚也顧自乾隆庚午以後閱七
十餘載書缺有間其軼乃時一見於
他說及今不為之所後將一散而難
記矣今

天子御極之元年民和年豐獄訟衰息方

擬公事之暇與都人士考文徵獻續
成全書而是秋奉委掇篆贛縣遂事
不果行今春回任適
撫憲毓大中丞纂脩江西通志採取
各縣事實予捧檄不禁拊髀雀躍喜
集事之有機而淫歲之所有志未逮

者亦可因之以從事一舉而兩得焉
何便如之爰擇吉開局延徐兩坡馮
畫舫兩學博主稿他如紳衿或分脩
或檢校或司採訪或任度支莫不翼
翼貞、魚、雅、予不敏總領其事
六時與參互考訂討論其得失刊正

其訛誤疑者闕之微者顯之其間山川土田人民之數禮樂兵農之類與夫庠序學校飲射讀法之方孰沿而孰革孰利而孰弊一展卷而瞭然視舊志差為賅備蓋舊志止分八門新志遵頒發成格為類三十有二一類

之中又別細目條例既寬蒐羅自廣夫是以文約而事詳絲牽而繩貫是役也起於中秋之後先繕寫三冊繳院然後開雕吾於是知天下事之大可為而人力之無不可勉而至也西江人文淵藪安遠踞西江上游山水

清竒磅礴鬱積橘柚之色竹箭之美
千尋之名材不能獨當也意必有魁
梧振拔不可一世之士生其間乃溯
自梁大同建置以迄于今非無鴻材
碩彥博學能文恒阻於風氣之遠不
能相逮今觀此舉一呼而立應雖以

大邑素號多材者反瞠乎其後豈非
萃千餘年扶輿清淑之氣將大發於
極盛之時乎方今

聖天

子稽古右文薄海內外人、握靈蛇
之珠抱荆山之璧思有見於當世而
况安遠為豫章之屬縣哉諸君子

達明備復得徐馮兩學博通儒風學以
提倡宗風宜爭自濯磨以副作人之
化從此登承明之廬觀王會之盛又
不特版圖之係屬追逐西江已也其
行自勉焉毋使知縣事者言有不驗
而深負不知縣事之咎也則幸甚

道光二年歲次壬午冬月

吉旦

文林郎鑲白旗教習知安遠縣事又

署贛縣知縣

覃恩加二級紀錄五次楚南黃文燮謹撰

重修安遠縣志序

邑之有志猗國之有史治國者求之史
治邑者求諸志此其大較也余來江右
已二十載矣在檄攝篆者凡以邑下車
之初但以稽求志彙為統蓋以一邑
之土地人民政事晉於志乎豈澂金是

安遠縣志

卷首

殷序

而他求無當也顧欲重修之卒有志焉
而求之速壬午冬承乏新土六稔志彙
見矣舊志纂修者屢矣而邑中後開
局重修其綱目悉遵

大憲所頒敘舊志而加詳余因之而取
然意以為先得我心也爰與西學博

徐與兩坡馮君畫舫暨局中諸紳士談
論凡矣志中之所紀載者皆有洽於心
所謀不謀而合也余自是時與之相商
確立善三月奉委重撰贛篆來裝就
道身雖在贛而心實憐、於安邑之志
焉會

憲椒翁催余六以書扣盾而志局之踴
躍爭先殊任愉快者倍奮於所志稿
遂脫漸次開雕屆秋季而功遂告竣余
因之更欣然喜以為事不相謀而合功
不相催而成就有如此余之今日者哉獨
是安邑自蕭梁大同建置以來其間

疆域之損益亦無定矣一損水南之地以隸定南弄損東鄉之地以置長寧而後益以會昌之地歸安遠土地如是而人民政事可知矣公欲求土地人民政事者舍去其奚適焉而顧而不重修歟且夫志之修也內秉大公之懷外持至

正之論不避貴賤美惡如風之漂物也不避大小強弱如雨之濡物也人雖遇漂濡而莫之怨也則是飛臧否之協人心也余敢局外觀之耶余於重修之後于邑人士更有進焉方公

聖天子

屬精圖治稽古右文

各大憲整飭為懷崇儒宣化生是邦土
仰宜爭自濯磨效法哲之風規守先民
之矩矱以懋耀一方藉以上堂

園
史余實有厚幸焉矧安遠境踞江右上
游昔屬巖疆今為樂土余於校士時已
知文風蒸蒸日上矣由是而涵濡

安遠縣志

卷首

縣序

四

皇庭之樂育遵奉

大憲之陶鑄將見品彙圭璋才儲黼
黻接踵而興者正未有艾為新志之重
修也其裨益豈僅土地人民政事以資
考鏡歟是為序

道光三年歲次昭陽協洽季秋月上

沈之吉

署安遠縣知縣兼攝贛縣事殷思瀛

撰

安遠縣志

卷之

四

五

重修安遠縣志序

余昔隨侍先君子信豐學署即聞安遠之風物人文嗣是從伯秉鐸長寧復傳聞安遠之風物人文蓋安遠與信豐長寧疆域毗連故道之者詳而聞之甚悉

安遠縣志

卷首

徐序

一

也已知春余忝任司鐸接見諸君子輒相訪問迨躬歷城鄉皆親見之夫豈至所見異詞所聞異詞所傳聞異詞哉願攷邑乘自乾隆十五年修葺後迄今七十二載未經續纂此七十二載

聖天

中

子之恩膏疊沛賢令尹之德政
宏施邑人士之事蹟踵增皆缺
焉而未之紀載一為慨想幾至
所見異詞所聞異詞所傳聞異
詞焉既而與諸君子後論莫不

安遠縣志

卷首

徐序

二

競以續修邑乘為急務會

邑侯黃理堂來宰斯土清廉惠
愛修舉廢墜大著循聲而尤諄
於邑乘迺以

憲眷優隆調署贛縣事暫寢壬
午夏回任復商及此事旋奉

憲檄飭修通志。竝及縣志。據誠
湊合。意亦潛符。而闔邑之紳士
遂踴躍以赴。邑侯之命。爰諏
吉。開局。各膺其任。部署周詳。規
條縝密。志之綱目。悉遵
大憲所頒。而以舊存通志。郡志

安遠縣志

卷首

徐序

三

邑志。參互攷訂。以衷於一。是其
舊志。未載者。廣為搜羅。採訪無
遺。無濫。經始于壬午八月。告竣
于癸未九月。歲一週而誤者訂。
蕪者芟。錯雜不倫者。次之。不庶
幾。釐然有序。此固諸君子之才。

儲班范實由黃邑侯之義秉
董狐藉以觀成而余以禱昧亦
得與馮君畫舫厠名於其間
獨是志者史之表也編年紀事
義例無殊而國史褒譏互用志
則專主揄揚其於懲人心維風

俗道有未備與斯事者倘復濫
於登載使白紙混美玉何以信
今何以傳後今惟衆議僉同者
登不合者黜筆則筆削則削庶
不至所見異詞所聞異詞所傳
聞異詞矣嗟乎古人往矣德我